



MØTEINNKALLING

Utval: Formannskapet
Møtedato 10.02.2022
Møtetid: Kl. 15:00
Møtestad: Kommunestyresalen

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
001/2022	22/96	Godkjenning av innkalling og sakliste	
002/2022	22/96	Faste saker	
003/2022	21/339	Endeleg vedtak av forskrift for handtering av hushaldsavfall i Samnanger kommune	
004/2022	22/65	Handsaming av søknader om kompensasjonstilskot i samband med koronapandemien	
005/2022	22/42	Tilleggsøyving - Kjøp av elektroniske tavler til barnehagane	
006/2022	22/84	Tilleggsøyving - Kjøp av møtebord og lysskjerming til kommunestyresalen	
007/2022	22/95	Ny transportordning for ungdom og eldre i Samnanger kommune	
008/2022	22/72	Uravstemming om Hovudavtale for perioden 01.01.2022 - 31.12.2023	

Oversikt faste saker

- Eventuelle merknader til protokoll frå førre møte
- Orienterings-/referatsaker
- Utvalet sitt kvarter



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/96	Løpenr: 22/1081
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	001/2022

Godkjenning av innkalling og sakliste

Rådmannen sitt framlegg til vedtak:

- Innkalling og sakliste vert godkjent.



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/96	Løpenr: 22/1082
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	002/2022

Faste saker

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvalet sitt kvarter.



SAKSFRAMLEGG

Sakshandsamar: Jan Erik Boge	Arkivkode: FA-M60
Arkivsaksnr: 21/339	Løpenr: 22/882
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	003/2022
Kommunestyret		

Endeleg vedtak av forskrift for handtering av hushaldsavfall i Samnanger kommune

Rådmannen sitt framlegg til vedtak:

Forskrift for handtering av hushaldsavfall i Samnanger kommune vert vedteken slik den ligg føre. Forskrifta trer i kraft 01.04.2022.

Dokument som er vedlagt:

Forslag til forskrift for handtering av hushaldsavfall i Samnanger kommune
Bergen kommune - forslag til forskrift om håndtering av husholdningsavfall
Oversendingsnotat 07.12.2021 frå BIR AS - Avfallsforskrift hushaldning
Kopi av e-post frå BIR AS 21.01.2022
Kopi av brev frå Bergen kommune datert 14.01.2022
Oversendingsnotat 10.05.2021 frå BIR AS - Avfallsforskrift hushaldning

Kva saka gjeld:

Kommunestyret handsama 10.06.2021 sak om forskrift for handtering av hushaldsavfall - Samnanger kommune (sak 054/2021). Det vart gjort følgjande vedtak:

«Samnanger kommune vedtek avfallsforskrift for Samnanger kommune slik den ligg føre. Den er utan endringar og er likelydande som for Bergen kommune.»

I etterkant av kommunestyret sitt vedtak 10.06.2021 vart det avklart at det burde gjennomførast høyring om forskrifta før endeleg vedtak og ikrafttreding. Det vart 06.10.2021 kunngjort høyring av forskrifta på kommunen si heimeside, med høyringsfrist 27.10.2021. Det kom ikkje inn nokon høyringsuttalar. Saka har ikkje vorte lagt fram til ny politisk handsaming etter denne høyringa.

Kommunen mottok 07.12.2021 e-post frå BIR, med eit notat der BIR bad kommunane om å utsetja det endelege vedtaket sitt om den nye avfallsforskrifta. Årsaka til dette var ei problemstillinga knytt til § 4-2 i den nye forskrifta, og behov for ei juridisk vurdering vedrørande dette. Kopi av notatet følger vedlagt.

Kommunen mottok 21.01.2022 e-post frå BIR, med informasjon om at problemstillinga i § 4-2 no har vorte belyst av Bergen kommune i brev datert 14.01.2022, og vorte avklart der. Det gjekk fram av e-posten at BIR på bakgrunn av dette vurderer problemstillinga knytt til § 4-2 som tilstrekkeleg belyst og avklart, og meiner at på dette grunnlaget kan den lokale avfallsforskrifta slutthandsamast og kunngjerast. Verken Bergen kommune eller BIR vurderer at det er behov for å gjera endringar i ordlyden i § 4-2. Kopi av e-posten frå BIR og brevet frå Bergen kommune følgjer vedlagt.

Informasjon om bakgrunnen for behovet for ny forskrift om hushaldsavfall
Informasjon om dette stod i saksutgreiinga til kommunestyresak 054/2021:

“Samnanger kommune er medlem av BIR – Bergen og omland renovasjon. BIR meiner at det ut frå omsyn til rettleiing og sakshandsaming vil vera hensiktsmessig at forskriftene i BIR sine eigarkommunar er like, og mest mogleg identisk med den forskrifta som vil gjelde for Bergen kommune.

Gjeldande avfallsforskrifter frå hhv 2013/2014, som no skal verte erstatta, har vore identisk i samtlege eigarkommunar i perioden. Forskriftene skil seg kun på målform.

Bergen kommune sitt forslag til forskrift følgjer her som vedlegg 1. Bergen kommune sitt forslag til forskrift er utarbeidd i dialog med BIR, som meiner at Bergen kommune sitt forskriftsforslag, med kun mindre justeringar, på ein god måte vil ivareta øvrige eigarkommunar sine behov.

Avfallforskrift for hushaldsavfall for Samnanger kommune, som ligg ved, er utan endringar frå forslaget som er utarbeidd for Bergen kommune.”

Utfyllande informasjon om bakgrunnen for saka står i vedlagte oversendingsnotat 10.05.2021 frå BIR.

Vurderingar og konsekvensar:

Rådmannen tilrår at framlegget til forskrift for Samnanger som vart handsama av kommunestyret 10.06.2021 i sak 054/2021 no vert endeleg vedteke, og at forskrifta skal tre i kraft 01.04.2022 etter offentlig kunngjerung.



SAKSFRAMLEGG

Sakshandsamar: Jan Erik Boge	Arkivkode: FE-223
Arkivsaksnr: 22/65	Løpenr: 22/911
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	004/2022
Kommunestyret		

Handsaming av søknader om kompensasjonstilskot i samband med koronapandemien

Rådmannen sitt framlegg til vedtak:

Samnanger kommune vart i desember 2021 tildelt kr 424 000 frå staten til vidareformidling til lokale verksemdar, som kompensasjonstilskot i samband med koronapandemien. Dette var staten sin sjette tildelingsrunde av slike midlar i 2021. Kommunane skal vidarefordela midlane i denne tildelingsrunden etter reglane for den notifikerte nasjonale paraplyordninga som vart godkjent av ESA 16.04.2021.

Samnanger kommune gir i denne tildelingsrunden stønad til følgjande lokale verksemdar som har hatt inntektstap og/eller ekstrakostnader som følgje av smitteverntiltak og nedstenging under koronapandemien:

Verksemd	Tilskot
Bjørkheim Kro og Motell AS	90 000
Ine's Hudpleieklinikk	25 000
Milano Pizzeria	40 000
Muir Cateringservice	20 000
Thor Egil Nilsen (ferieleilegheit)	34 000
Thea Marie Steinsland (frisør)	75 000
Kate Hege Totland (frisør)	140 000
Sum	424 000

Dokument som er vedlagt:

Tilskotsbrev frå Kommunal- og regionaldepartementet - runde 6/2021

Oversikt frå departementet - Fordeling av midlar runde 1 til 6/2021

Publiseringstekst kommunal kompensasjonsordning for lokale verksemdar i Samnanger - runde 6

Søknad - Bjørkheim Kro og Motell AS
Søknad - Ine's Hudpleieklipp
Søknad - Milano Pizzeria
Søknad - Muir Cateringservice
Søknad - Thor Egil Nilsen
Søknad - Thea Marie Steinsland
Søknad - Kate Hege Totland

Kva saka gjeld:

Samnanger kommune vart i desember 2021 tildelt 424 000 kroner frå staten til vidareformidling til lokale verksemdar, som kompensasjonstilskot i samband med koronapandemien. Dette var staten sin sjettede tildelingsrunde av slike midlar til kommunar i 2021. Samnanger fekk tildelt midlar til vidarefordeling i fire av desse rundane. Målet med tilskotsordninga i sjettede runde er å avhjelpa lokale verksemdar som er ramma av lokale eller nasjonale smitteverntiltak. Målet er at likviditeten skal betrast for det lokale næringslivet og at verksemdene får dekkja dokumenterte meirkostnader og/eller dokumenterte tap som følgje av smitteverntiltak og nedstenging.

Departementet sitt tildelingsbrev følgjer vedlagt. I brevet står det mellom anna følgjande:

- Departementet forventar at kommunane tildelar midlane raskast mogleg for å betra situasjonen for bedrifter og deira tilsette.
- Departementet ber kommunane om å bruka den såkalla *notifiserte ordninga* for alle tilskot i sjettede tildelingsrunde.
- Verksemdar som var i vanskelegheiter per 31.12.2019, kan ikkje tildelast støtte.

Samnanger kommune kunngjorde 13.01.2022 søknadsordning for midlane i sjettede runde 2021, i lokalavisa Samningen, på kommunen si heimeside og i regionalforvaltning.no. Søknadsfristen vart sett til 27.01.2022. Søknader måtte sendast inn via regionalforvaltning.no. Kopi av publiseringsteksten følgjer vedlagt. Det går der mellom anna fram at kommunen i runde 6 ønskjer å fordela midlane til verksemdar som kan dokumentera tapte inntekter og/eller meirkostnader i perioden november 2021 til januar 2022.

Mynde til å gjera vedtak om tildeling/fordeling av midlane i sjettede tildelingsrunde ligg til kommunestyret.

Oversikt over søknader:

Det kom inn søknader frå sju næringsdrivande i kommunen i runde 6/2021:

Verksemd	Søknadsbeløp
Bjørkheim Kro og Motell AS	95 173
Ine's Hudpleieklipp	100 000
Milano Pizzeria	702 335
Muir Cateringservice	66 000
Thor Egil Nilsen (ferieleilegheit)	84 400
Thea Marie Steinsland (frisør)	200 833
Kate Hege Totland (frisør)	295 108
Sum	1 543 849

Nedanfor følgjer ein kort gjennomgang av kvar søknad.

Bjørkheim Kro og Motell AS

Verksemda har tidlegare motteke koronastøtte på i alt kr 200 000 frå Samnanger kommune, ref. kommunestyrevedtak i sak 010/2021 (kr. 100 000) og 049/2021 (kr. 100 000). Desse stønadsmidlane vart gitt til høvesvis kontaktfri servering (sak 010/2021) og kompensasjon for nedgang i inntekter frå

arrangement og utleige (sak 049/2021). I desse to søknadsrunane søkte verksemda om støtte på høvesvis kr 250 000 (sak 010/2021) og kr 250 000 (sak 049/2021).

Bjørkheim Kro og Motell AS søker no om støtte på kr 95 173, som kompensasjon for tapte rominntekter i periodane november 2020 – januar 2021 og november 2021 – januar 2022. Utrekning av inntektstap på kr 95 173 er lagt ved søknaden, og ligg også som vedlegg til dette saksframlegget.

Ine's Hudpleieklinikk

Verksemda har ikkje motteke koronastøtte frå Samnanger kommune tidlegare.

Søker no om støtte på kr 100 000 som kompensasjon for tap av inntekt på behandlingar og varer. Inntektstapet gjeld mellom anna perioden frå 12.03.2020, då verksemda måtte halda heilt stengt. Søknadssummen er identisk med kassakreditt/lån som verksemda har teke opp i samband med koronapandemien. Dokumentasjon på inntektstapet er ikkje lagt ved søknaden, men det er lagt ved ein utfyllande søknadstekst og ei stadfesting på oppretting av kassakreditt på 100 000 kroner. Den utfyllande søknadsteksten ligg også som vedlegg til dette saksframlegget.

Milano Pizzeria

Verksemda har tidlegare motteke koronastøtte på kr 100 000 frå Samnanger kommune, ref. kommunestyrevedtak i sak 049/2021. Desse stønadsmidlane vart gitt som kompensasjon for inntektstap som følgje av stenging og redusert skjenketid. Søknadssummen til Milano Pizzeria i sak 049/2021 var kr 700 000.

Milano Pizzeria søker no om støtte på kr 702 335, for inntektstap i 2020 (kr. 352 335) og 2021 (kr 350 000). Dokumentasjon på inntektstapet er ikkje lagt ved søknaden, men det er lagt ved kopi av skatteoppgjer for 2020 og eit anna dokument frå Skatteetaten. Desse to dokumenta ligg ikkje som vedlegg til dette saksframlegget.

Muir Cateringservice

Verksemda har ikkje motteke koronastøtte frå Samnanger kommune tidlegare.

Søker no om støtte på kr 66 000, som kompensasjon for inntektstap i 2021 (kr 60 000 for tap av oppdrag og kr. 6 000 for tap av varelager). Muir Cateringservice vart starta opp i januar 2021. Dokumentasjon på inntektstapet er ikkje lagt ved søknaden.

Thor Egil Nilsen (utleige av ferieleilegheit)

Verksemda har tidlegare motteke koronastøtte på kr 20 000 frå Samnanger kommune, ref. kommunestyrevedtak i sak 049/2021. Desse stønadsmidlane vart gitt som kompensasjon for inntektstap (leigeinntekter) for kansellerte bestillingar i 2020 og 2021. Søknadssummen til verksemda i sak 049/2021 var kr 20 000.

Thor Egil Nilsen søker no om støtte på kr 84 800, som kompensasjon for inntektstap i mai, juni og juli 2021 (kr 72 000 i tapte leigeinntekter og kr 12 800 i tap av utleige av båt m/motor). Dokumentasjon på inntektstapet er ikkje lagt ved søknaden, men det er lagt ved kopi av formidlingsavtale med DanCenter AS som viser leigepreis pr veke (kr 6 000 for leilegheit og kr 1 600 for båt/motor). Det er også lagt ved kopi av brev frå Samnanger kommune frå juni 2021, med informasjon om vedtak i kommunestyret 10.06.2021 om tilskot på kr 20 000. Ingen av desse to dokumenta ligg som vedlegg til dette saksframlegget.

Thea Marie Steinsland (frisør)

Verksemda har ikkje motteke koronastøtte frå Samnanger kommune tidlegare.

Søker no om støtte på kr 200 833, som kompensasjon for inntektstap i 2020 (kr 179 037) og 2021 (kr 21 796). Inntektstapet er rekna ut på grunnlag av tap i gjennomsnittleg inntening i forhold til før koronapandemien, samt tap grunna seks vekers nedstenging frå 12.03.2020. Næringsoppgåver for

2019 og 2020 er lagt ved søknaden. Næringsoppgåvene ligg ikkje som vedlegg til dette saksframlegget.

Kate Hege Totland (frisør)

Verksemda har ikkje motteke koronastøtte frå Samnanger kommune tidlegare.

Søker no om støtte på kr 205 108, som kompensasjon for inntektstap i 2020 (kr 177 000) og 2021 (kr 118 108). Inntektstapet i 2020 gjeld full nedstenging i seks veker frå 12.03.2020. Inntektstapet i 2021 gjeld delvis nedstenging i november/desember. Dokumentasjon på redusert omsetning i desse periodane er lagt ved søknaden, og ligg også som vedlegg til dette saksframlegget.

Vurderingar og konsekvensar:

Rådmannskontoret har fått bistand frå Samnanger Næringsforum v/leiar Knut Bjørnås til vurdering av søknadene. I vurderinga er det mellom anna sett på om verksemda har fått tilskot (koronatilskot) frå kommunen tidlegare.

Rådmannen sine vurderingar og tilråding går fram nedanfor. For nærmare detaljar, vert det vist til vedlagte tabell/oversikt.

Verksemd	Søknads-beløp	Forslag til tilskot	Kommentar/grunngeving
Bjørkheim Kro og Motell AS	95 173	90 000	Delvis kompensasjon for dokumentert inntektstap (tapte rominntekter) i periodane nov 2020 – jan 2021 og nov 2021 – jan 2022.
Ine's Hudpleieklipp	100 000	25 000	Delvis kompensasjon for inntektstap i 2020 og 2021.
Milano Pizzeria	703 335	40 000	Delvis kompensasjon for inntektstap i 2020 og 2021.
Muir Cateringservice	66 000	20 000	Delvis kompensasjon for inntektstap i 2021.
Thor Egil Nilsen (ferieleilighet)	84 400	34 000	Delvis kompensasjon for inntektstap i 2021.
Thea Marie Steinsland (frisør)	200 833	75 000	Delvis kompensasjon for inntektstap i 2020 og 2021.
Kate Hege Totland (frisør)	295 108	140 000	Delvis kompensasjon for dokumentert inntektstap i 2020 og 2021.
Sum	1 191 914	424 000	



SAKSFRAMLEGG

Sakshandsamar: Bodil Helliesen Øpstebø	Arkivkode: FE-439, TI-&27
Arkivsaksnr: 22/42	Løpenr: 22/533
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	005/2022
Kommunestyret		

Tilleggsføring - Kjøp av elektroniske tavler til barnehagane

Rådmannen sitt framlegg til vedtak:

Det vert løyvd inntil kr 250 000 til digital oppgradering i barnehagane.

Midlane til dette tiltaket vert finansiert av disposisjonsfondet.

Kva saka gjeld:

Dei siste åra har det vore eit synleggjort behov for AV-tavler i barnehagane, som ein fram til no ikkje har hatt finansiering til. Under budsjettprosessen for 2022 vart dette tiltaket igjen spela inn; fyrst av begge barnehageeiningane, men digitale tavler til barnehagane vart på slutten av prosessen teke ut av budsjettet. Årsaka var at det vart lagt til grunn at dette kunne dekkast over budsjett for 2021. Det har vist seg at dette likevel ikkje var rom for. Saka vert difor no fremma for naudsynt finansiering og gjennomføring.

Vurderingar og konsekvensar:

Samnanger kommune deltek i utviklingsprosjekt i samarbeid med Høgskulen Vestland i Vassloppa barnehage 2021-22. Språklæring er sentralt og ulike hjelpemidlar vert nytta. Ein ser at behovet for å få digitale tavler på plass har vokse fram og no er behovet for dette stort. Desse skjermene vil verta nytta i det pedagogiske utviklingsarbeidet for dei tilsette og barna samt i andre møtefora som foreldremøte, FAU og liknande.

Digital utvikling i barnehage er også viktig for å vere moderne og gode barnehagar som følgjer samfunnsutviklinga gjennom bevisste val.

Det er henta inn prisar frå IKT Nordhordland på AV-tavler, inkl. nødvendig tilleggsutstyr og arbeid. Sjå tabell nedanfor. Rådmannen sitt framlegg til vedtak er basert på at det vert kjøpt inn 4 stk 86" AV-tavler (2 stk til kvar barnehage).

Prisar på AV tavler - ekskl. Mva				
	Pris 1 stk	Pris minimum 5 stk.	Bestilling - tal	Pris
65"	kr 24 312,00	kr 21 464,00		
	1 stk	minimum 4 stk		
75"	kr 36 561,00	kr 32 611,00		
	1 stk	minimum 3 stk		
86"	kr 49 890,00	kr 43 230,00	4	172 920,00 kr
Tilleggsutstyr:	1 stk			
Lydplanke	kr 1 810,00		4	7 240,00 kr
Elektrisk mobilt hev/senke stativ	kr 10 572,00			
Elektrisk veggmontert hev/senke stativ	kr 8 795,00		4	35 180,00 kr
Fjærbasert veggmontert hev/senk løsning	kr 8 544,00			
				215 340,00 kr
elektrikkararbeid stikkontaktet	kr 5 000,00		4	20 000,00 kr
Totalt				235 340,00 kr
To tavle til kvar barnehagane.				
Stikkontakter stipulert v/kontakt med leiar teknisk drift.				

Prisoverslag innhenta frå IKTNH jan 2022.



SAKSFRAMLEGG

Sakshandsamar: Marianne Soleng	Arkivkode: FE-614
Arkivsaksnr: 22/84	Løpenr: 22/1031
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	006/2022

Tilleggsøyving - Kjøp av møtebord og lysskjerming til kommunestyresalen

Rådmannen sitt framlegg til vedtak:

Formannskapet løyver pengar til å kjøpa møtebord og lysskjerming til kommunestyresalen opp til kr. 60.000,-.

Kostnaden vert dekt av disposisjonsfondet.

Vedtaket er gjort etter pkt. 6.3 i «Delegeringsreglement for Samnanger kommune» jf. kommuneloven §11-8.

Kva saka gjeld:

I kommunestyremøtet 24.10.2019 i sak 068/2019 vart følgjande vedtak fatta:

Møta i kommunestyret, formannskapet, naturutvalet og kontrollutvalet skal som hovudregel haldast i møterommet på biblioteket på Bjørkheim. Denne ordninga gjeld så lenge møtesalen på kommunehuset på Tysse ikkje har tilgjenge for rørslehemma.

I januar 2022 vart den nyinstallerte heisen på kommunehuset teken i bruk. Det er også laga ny, asfaltert rampe utanfor hovudinngangen på kommunehuset. Denne fyller dagens krav om tilkomst til offentlege bygg.

Med rampe og heis på plass, har rørslehemma moglegheit til å delta på møte i kommunestyresalen i 2.etasje. Det er difor naturleg at møta i kommunestyret, formannskapet, naturutvalet og kontrollutvalet vert halde på kommunehuset heretter.

Eit kommunestyremøte i Samnanger har vanlegvis rundt 25 deltakarar. Faste kommunestyremedlemmar (21 stk.), rådmann og administrasjon. Slik salen er møblert i dag er det ikkje nok møtebord til at eit slikt møte let seg gjennomføra. I alle fall ikkje dersom me skal halda avstand etter gjeldane koronareglar.

Kommunestyresalen, formannskapssalen og kantina vert også nytta ein god del til arbeidsmøte av tilsette på dagtid og politikarar, lag og organisasjonar etc. på kveldstid.

I budsjettforslaget frå servicesenteret for 2022 vart det lagt inn følgjande driftstiltak om innkjøp av nytt inventar/møteroms møblar:

«Det er behov for oppdatering av møteromma på kommunehuset.

20 nye møtebord (a kr. 4000,- = 80000,-) og 30 nye stolar (a kr. 1000,- = 30000,-).

Dette mykje grunna at politiske møter skal flyttast tilbake til kommunehuset når heisen er montert.

MS 29.09.2021»

Dette tiltaket vart ikkje teke med i det vedteke budjettet for 2022.

Vurderingar og konsekvensar:

For at det skal vera mogleg å halda kommunestyremøte i kommunestyresalen, og halda ein meters avstand, trengs det fleire møtebord. Ein kan foreløpig bruke dei gamle stolane og supplera med stolar frå kantina.

Det første kommunestyremøte i år skal haldast 24.02.2022. Det er difor naudsynt å få bestilt nye møtebord snarleg. Dersom formannskapet sitt vedtak vert gjort etter delegeringsreglementet pkt. 6.3 jf. kommuneloven §11-8, kan administrasjonen få bestilt bord straks etter møte slik at borda er på plass til kommunestyremøte 24.02.2022.

Servicesenteret har bedt om eit pristilbod på 20 nye møtebord frå firmaet som kommunen har rammeavtale med Input Interiør AS.

Det er også behov for lysskjerming i møterommet då det er svært mange vindu og ingen mulighet for å blokkere for sollyset. Frå tidleg vår til sein haust vil det difor på soldagar vera svært vanskeleg å få god kvalitet på mellom anna streaming og digitale dokumentvisningar.

Det er ikkje henta inn prisar på lysskjerming pr. dags dato.



SAKSFRAMLEGG

Sakshandsamar: Knut Harald Frøland	Arkivkode:
Arkivsaksnr: 22/95	Løpenr: 22/1078
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	007/2022
Kommunestyret		

Ny transportordning for ungdom og eldre i Samnanger kommune

Ordfører sitt framlegg til vedtak:

Samnanger kommune inngår samarbeidsavtale med Trond Haga Taxi AS om transporttenesta «Svinta»-skyss. Transporttenesta er eit tilbod til ungdom 15 – 18 år (som fyller 15, 16, 17 og 18 i inneverande år) og eldre 67 + (som fyller 67 år eller meir i inneverande år). Samarbeidsavtala skal testast ut i 3 månader. Trond Haga Taxi får betalt kr. 5.000 pr. måned i prøveperioden.

Finansiering skjer frå disposisjonsfondet.

Dokument som er vedlagt:

Innspel frå eldrerådet og pensjonisttlaget 12.01.2022
Innspel frå Ungdomsrådet 14.09.21
Utgreiing einerett for drosje i Vestland fylkeskommune (4)
Informasjon til kommunens heimeside
Samarbeidsavtale Trond Haga Taxi og Samanger kommune

Kva saka gjeld:

Kommunestyret gjorde følgjande vedtak i budsjett for 2022:

Det skal gjennom prosjektet "Leve heile livet" undersøkjast moglege løysingar for transport av eldre til diverse arrangement. Forslag til løysing skal presenterast i formannskapet som eiga sak.

Etter einighet med rådmann har ordfører overteke oppdraget med å forsøkje å finne løysingar på denne utfordringa.

I tillegg til utfordringa frå kommunestyre har det i mange år også vore ei utfordring med å betre transporttilbodet for ungdommen i Samnanger. I forsøk på å finne nye og betre løysingar har det difor vore ei naturleg målsetting å komme fram til noko som kan gagne både ungdom og eldre.

I prosess med å finne nye løysingar har det vore viktig å gjere seg kjent med dei eksisterande transporttilboda i kommunen, kva omfang desse dekker, kva løysingar som gjeldt og kven som

leverer og finansierer løysingane. Ordførar har hatt tett dialog med pleie- og omsorgsleiar, leiar av eldreråd og pensjonistlag, Vestland fylkeskommune, Skyss, Helse bergen, ungdomskontakt, og Trond Haga Taxi.

Vurderingar og konsekvensar:

Samnanger er ein kommune der det er naturleg å ha bil og der det er naturleg at foreldre køyrer ungane sine i dei høve det er for langt å gå/ sykle eller at vérforholda tilseier det. Når det gjeldt ungdom i aldersgruppa 15-18 år vil dei ofte vere i ein fase av livet der ein ønskjer å komme seg rundt utan å nødvendigvis måtte mase på foreldra. Eldre i Samnanger (67+) kan vere i situasjonar der ein ikkje lenger har bil eller sertifikat, at partnaren som i alle år var fast sjåfør har falle vekk, eller andre grunnar. Ungdom og eldre er truleg av dei som kjenner aller mest på frustrasjon over eit mangelfullt kollektivtilbod.

Å bruke ordinær taxi kan fungere i spesielle situasjonar, men dette blir for dei aller fleste for kostbart som erstatning til kollektivtilbod. Då blir det til at ein er avhengig av at andre kan stille opp.

På Fylkesveg 49 gjennom kommunen er kollektivtilbodet relativt bra. Det same kan også seiast på strekninga Tysse-Bjørkheim. På strekninga Bjørkheim – Solbjørg og Bjørkheim - Eikelandssosen går det buss morgon og ettermiddag. Til grendene Li/ Kvernes, Nyutløtræ og Rolvsvåg har Trond Haga Taxi avtale med Tide om elevskyss morgon og ettermiddag. Til Utskot, Høysete og Kvitingen er det ikkje kollektivtilbod. Å opprette nye bussruter på strekningar som i dag har få eller ingen bussavgangar – og som har få passasjerar - er svært kostbart, og det er lite sannsynleg at det vil kunne skje.

Samnangerheimen kjøper inn transportoppdrag frå taxiselskap i andre kommunar i dei tilfelle pasientane set i rullestol, dette sidan Trond Haga Taxi i dag ikkje har bil med rullestol. Ved Dagsenteret er det i dag tilsette som sjølv transporterer dei eldre til/ frå.

Ordførar har i lys av denne situasjonen vurdert følgjande alternative løysingar:

Hentmeg

Skyss leverer eit kollektivtilbod kalla «Hentmeg», der du kan bestille tur når du treng det og der du blir ved fastlagt stoppestad og kjørt til fastlagt stoppestad, innanfor kommunens grenser. Dette er ein modell som dei siste åra er blitt testa ut i til dømes Odda og Sauda. Dette er eit kollektivtilbod som gjeldt alle aldersgrenser og som tar ordinær kollektivtakst.

Styrkar:

- Alle aldersgrupper får eit nytt, fleksibelt og rimeleg transporttilbod.
- Ein kan redusere utanforskap og auka livsgleda ved at både ungdom og eldre enklare kan møte kvarandre. Dei eldre kan bu lenger heime.
- Noko av det eksisterande kollektivtilbodet kan bli erstatta med «Hentmeg». Det kan eventuelt bety at Vestland fylke kan omdisponere midlar frå dagens rutetilbod til denne løysinga. Om dette er mogeleg er dog usikkert.
- Taxinæringa kan framleis ta seg av Samnangerheimen sitt transportbehov.
- Ein tar i bruk ei løysing som er testa ut i andre kommunar.

Svakheter:

- Truleg vil det ikkje bli nok inntekt til å dekke kostnadane. Vestland fylke får truleg betydelege meirutgifter og det er ikkje sikkert at Samnanger blir tilbydd ei slik løysing.
- Når kapasiteten er sprengd vil ein kunne oppleve å ikkje få tur, eller at ein nokon gongar

må finne seg i å måtte vente noko tid på at bilen kjem.

- Tilbodet vil truleg vere avgrensa til oppgitte tidsrom og arbeidsdagar + laurdag.

Ny kommunal løysing

Kommunen leaser bil med kapasitet på 9 passasjerar inkl. rullestolbrukar. Ein kan då dekke Samnangerheimen sitt behov som ikkje blir dekkja av pasientreiser (eigenandel) samt at ein kan ta oppdrag med transport av alle aldersgrupper innafor kommunens grenser etter «Hentmeg»-modellen. Truleg må kommunen tilsette 1-2 sjåførar for å kunne gje eit slikt tilbod.

Styrkar:

- Alle aldersgrupper får eit nytt, fleksibelt og rimeleg transporttilbod.
- Ein kan redusere utanforskap og auka livsgleda ved at både ungdom og eldre enklare kan møte kvarandre. Dei eldre kan bu lenger heime.
- Vestland fylke og Helse bergen kan spare transportutgifter.
- Noko av det eksisterande kollektivtilbudet kan bli erstatta med at kommunen overtar behovet på strekningane. Det kan bety at Vestland fylke kan omdisponere ressursar til denne løysinga. Om dette er mogeleg er dog usikkert.

Svakheter:

- Samnanger kommune kan få betydelege meirutgifter då inntektene ved passasjertransport vil bli langt lågare enn kostnadane. Det er og usikkert om det er midlar å hente frå Vestland fylke og Helse bergen til ei slik løysing.
- Ein vil ta av oppdrag som kunne gått til den lokale taxinæringa.
- Når kapasiteten er sprengd vil ein kunne oppleve å ikkje få tur, eller at ein nokon gongar må finne seg i å måtte vente noko tid på at bilen kjem.
- Tilbodet vil truleg vere avgrensa til oppgitte tidsrom og arbeidsdagar + laurdag.
- Dette vil vere ei ny løysing for Samnanger kommune og ein treng å kjøpe inn teknologitenester for å sikre god logistikk.

«Svinta»-skyss (Eit offentleg-privat samarbeid)

Det lokale taxiselskapet seier seg villig til å teste ut eit nytt transporttilbod til ungdom 15 – 18 år (som fyller 15, 16, 17 og 18 i inneverande år) og eldre 67 + (som fyller 67 år i inneverande år) som bur i Samnanger kommune. Transporttilbodet har arbeidstittelen «Svinta»-skyss. Dette transporttilbodet skal gjere det enkelt å ta seg rundt i kommunen i kvardagen. Ein kan bestille turar alle dagar og til alle døgnets tider. Ein blir transportert frå «dør til dør» og prisen er kr. 50. pr tur. Dette transporttilbodet blir testa ut i ein prøveperiode på 3 månader. Trond Haga Taxi får betalt kr. 5.000 pr. månad i prøveperioden.

Styrkar:

- Ungdom og eldre får eit nytt og fleksibelt transporttilbod. Dei kan bestille turar alle dagar.
- Ein kan redusere utanforskap og auka livsgleda ved at ein enklare kan møte kvarandre. Dei eldre kan bu lengre heime.
- Ein får nytta ledig kapasitet og logistikk-kompetanse hjå Trond Haga Taxi AS.
- Dette vil truleg stele lite passasjerar frå rutebussar og den kan gje auka omsetning for Trond Haga Taxi AS.
- Trond Haga Taxi AS kjøper inn ny bil med kapasitet på 9 passasjerar som tar rullestol. Trond Haga Taxi AS kan då ta seg av det meste av pasientkøyringa ved Samnangerheimen. Dette kan redusere kostnader for både Samnanger kommune, Vestland fylke og Helse bergen.
- Løysinga er lett å ta i bruk og ein brukar eksisterande løysingar ved bestilling av turar
- Ei samarbeidsavtale kan gje nye erfaringar som igjen kan betre dei lokale transportløysingane.

Svakheter:

- Tilbodet vil ikkje gjelde for ungdom over 18 år. Truleg kan det vere til hjelp at mange i denne aldersgruppa kan ha betre moglegheiter for å løyse transport gjennom å kunne sitja på med jamnaldrande, låne bil av foreldra eller nytte eigen bil.
- Når kapasiteten er sprengd vil ein kunne oppleve å ikkje få tur, eller at ein nokon gangar må finne seg i å måtte vente før bilen kjem.
- Dette er ei ny løysing me ikkje kjenner til er prøvd ut i andre kommunar og ein har ikkje noko garanti for at det kjem til å fungere bra.

Vurdering av alternativa

Det beste valet vurderast til å vere «Svinta»-skyss. Dette er ei løysing som legg seg imellom det me har i dag av transportløysingar i Samnanger kommune og som truleg har potensiale til å kunne fungere bra. Med god dialog mellom Trond Haga Taxi og ungdom/ eldre er det mogeleg å finne gode løysingar ved faste møter og arrangement. Det er viktig å nytte samarbeidsavtala mellom Samnanger kommune og Trond Haga Taxi til å hente erfaring og til å kunne gje endå betre transporttenester i Samnanger kommune.



SAKSFRAMLEGG

Sakshandsamar: Jan Erik Boge	Arkivkode: FE-401
Arkivsaksnr: 22/72	Løpenr: 22/834
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	008/2022

Uravstemming om Hovudavtale for perioden 01.01.2022 - 31.12.2023

Rådmannen sitt framlegg til vedtak:

Samnanger kommune stemmer ja i uravstemminga om revidert Hovudavtale for perioden 01.01.2022 – 31.12.2023.

Dokument som er vedlagt:

A-rundskriv nr. A/1-2022

Hovudavtalen for perioden 01.01.2020 - 31.12.2021

Kva saka gjeld:

Kommunesektorens organisasjon (KS) og forhandlingssamanslutningane er blitt einige om eit forslag til revidert Hovudavtale for perioden 01.01.2022 – 31.12.2023. Forslaget er no sendt til uravstemming til KS sine medlemmer, mellom anna til Samnanger kommune. KS oppmodar alle medlemmene om å svara på uravstemminga, og om å svara ja til den framforhandla hovudavtalen. Svarfristen er 18.02.2022.

I Samnanger kommune har formannskapet fått delegert mynde frå kommunestyret til å svara i uravstemmingar, ref. delegeringsreglementet punkt 6.2.s.

Jf. KS sine vedtekter gjeld følgjande reglar ved uravstemmingar:

1. *Hovedtariffavtale og Hovedavtale skal være gjenstand for uravstemming blant medlemmer som omfattes av avtalene.*
2. *Ved uravstemming anses en tariffavtale som vedtatt når 1/3 av de avgitte stemmer fra medlemmene, og som representerer minst halvparten av arbeidstakerne hos medlemmene som avgis stemmer, svarer JA til det anbefalte forhandlingsforslag. Antalle arbeidstakere i fast stilling pr. 1. januar i avstemningsåret legges til grunn.*

Hovudavtalen blir inngått mellom KS og arbeidstakarorganisasjonane. Den inneheld reglar om forhandlingsordning, prosedyrar samt arbeidsgjevar og tillitsvalde sine rettar og plikter.

Hovudavtalen er eit verkemiddel for å skapa eit best mogleg samarbeidsgrunnlag mellom partane i kommunal sektor, og for utvikling av gode tenester.

Oversikt over føreslegne endringar i forhold til den førre hovudavtalen (avtalen som gjaldt for perioden 01.01.2020 – 31.12.2021) går fram av KS sitt A-rundskriv nr. A/1-2022. På side 2 i rundskrivet er dei mest sentrale endringane oppsummert som følgjer:

Nærmere om endringene i Hovedavtalen

Hovedavtalen del B

§ 1 Formål, samarbeid og medbestemmelse

Tilføyelsen av ordet «bærekraftig» er gjort for å få en naturlig kobling til hovedavtalens formål.

§ 3-1 Arbeidsgivers plikter overfor de tillitsvalgte

Tilføyelsen åpner nå for at små fagforeninger, som ikke fyller vilkåret for å ha hovedtillitsvalgt, innkalles til informasjonsmøter på sentralt nivå i kommunen/-fylkeskommunen. Tilføyelsen vurderes som en stadfesting av praksis basert på råd i Hovedavtaleveilederen s. 6, hvor det følgende blant annet gis som råd; «For berørte organisasjoner som ikke har hovedtillitsvalgt kan det være hensiktsmessig at også disse inkluderes i de regelmessige informasjonsmøtene.»

§ 3-4 Rett til fri fra ordinært arbeid

Arbeidssituasjonen for tillitsvalgte som arbeider etter tjenesteplan eller har arbeidstid utenfor ordinær dagarbeidstid, kan være annerledes enn tillitsvalgte som arbeider vanlig kontortid. For bedre å imøtekomme denne gruppen tillitsvalgtes behov for en tilrettelagt arbeidssituasjon skal dette drøftes mellom partene.

Tidligere 4. ledd er videre (redaksjonelt) delt for bedre å synliggjøre kompensasjonsbestemmelsen der arbeidsgiver har innkalt tillitsvalgte til møter og lokale forhandlinger på tillitsvalgtes fritid.

Heile A-rundskriv nr. A/1-2022 følgjer vedlagt. Kopi av hovudavtalen som gjaldt i perioden 01.01.2020 – 31.12.2021 følgjer også vedlagt.

Vurderingar og konsekvensar:

Rådmannen tilrår at Samnanger kommune stemmer ja i uravstemminga.